

四庫全書

史部

欽定四庫全書

史部

欽定熱河志卷

八十九至
九十二

詳校官編修臣曹城

檢討臣德生覆勘

總校官舉人臣章維桓

校對官編修臣戴心亨

謄錄監生臣陶嗣曾

欽定四庫全書

欽定熱河志卷八十九

人物三

元

巴圖爾

舊作拔都
兒今改正

元史巴圖爾傳巴圖爾額依

蘇

舊作阿速
今改正

氏世居上都宜興憲宗在潛邸與兄

鄂齊爾巴罕

舊作兀作兒
不罕今改正

及馬特爾斯

舊作馬塔
兒沙今改

正

帥衆來歸巴圖爾從征李璫圍濟南身二十餘

戰世祖嘉其能常居左右尋於阿克塔布台

舊作塔不

台今改正

南征又以功受賞師還言於帝曰臣願從軍

為國效死世祖留之仍命克巴克實

舊作李可孫今改正

領阿克蘇

舊作阿速今改正

軍御馬必令鞚引授廣威將

軍後衛親軍副都指揮使賜虎符從征納延

舊作乃顏

今改正

於伊綿

舊作亦迷今改正

河擒僉嘉努

舊作無家奴今改正

塔

布台以歸賞鈔及衣段加定遠大將軍卒子巴濟

拉

舊作別吉連今改正

襲至大四年河東陝西鞏昌延安燕

南河北遼陽河南山東諸翼衛特默齊

舊作探馬赤今改正

爭草地訟者二百餘起命徃究之悉正其罪積官

懷遠大將軍從丞相燕特穆爾

舊作鐵木兒今改正

擒道拉

實

舊作倒刺沙今改正

黨額卜德呼勒

舊作烏伯都剌今改正

等領諸

衛軍守居庸關及諸要害地天歷元年十月王禪

兵掩至羊頭山攻破隘口勢甚張巴濟拉從丞相

擁衆奮擊之突入其軍王禪敗走文宗賜御衣二

襲三珠虎符及弓矢甲冑金帛等物旌其功尋以

疾辭子伊蘇岱

舊作也連襲的今改正

石天應

子佐中

元史石天應傳石天應字瑞之

興中永德人善騎射豪爽不羈頗知讀書鄉里人

多歸之太祖時太師國王穆呼哩

舊作木華
黎今改正

南下

天應率衆迎謁軍門造戰攻之具臨機應變捷出

如神以功拜龍虎衛上將軍元帥右監軍戍燕都

旗色用黑人目之曰黑軍屢從穆呼哩大小二百餘

戰常以身先士卒累功遷右副元帥征陝右假道

西夏自東勝濟河南攻葭州拔之以勁兵五千留
守葭蘆遂造舟楫建浮橋分兵四出悉定葭綏之
地移軍河中金軍潛入中條襲河中天應知之先
遣驍將吳澤伏兵要路澤勇而嗜酒是夕方醉卧
林中金兵由間道已直抵城下時兵燼後守具未
完新附者爭縋而出敵乘隙入天應奮身角戰從
者四十餘騎或勸西渡河天應曰先時人諫我南
遷吾違衆而來此事急棄去是不武也縱太師不

罪我何面目見同列乎今日惟死而已汝等勉之
少頃敵兵四合天應飲血力戰至日午死之穆呼
哩聞而痛惜焉子煥中知興中府事執中行軍千
戶受中興中府相副官 初天應死事時弟天禹
子佐中在軍中伺敵少懈倒抽其斧反斫之突城
而出趨穆呼哩行營求得蒙古軍數千回與敵戰
敗之穆呼哩嘉其勇奏授金符行元帥尋詔將官
各就本城授興中府千戶子阿旺

舊作安琬
今改正

襲職

符從征大理討李璫皆有功隆興之分寧叛行省
檄阿旺討擒之累功至右衛親軍副都指揮使後
授大同等處萬戶領江左新附卒萬人屯田紅城
大德三年李萬戶當戍和寧親老且病阿旺請代
其行及還以疾卒子居謙襲職後改忠翊侍衛親
軍都指揮使

謹按元史穆呼哩傳天應戰死以天應子烏克

舊作幹可
今改正

襲領其衆其即煥中耶

伊喇罷爾

舊作穆刺控
免今改正

子瑪努勒

舊作買努
今改正孫

元臣

元史伊喇罷爾傳伊喇罷爾契丹人也幼

有大志膂力過人沉毅多畧遠亡金以為叅議留

守等官皆辭不受聞太祖舉兵私語所親曰為國

復讎此其時也率其黨百餘人詣軍門獻十策帝

召見與語奇之賜名賽音筆且齊

舊作賽因必問
闕亦今改正

生何地對曰霸州因號為霸州元帥拜兵馬都元

帥佐太師穆呼哩取北京下高利興松義錦等二

十六城破五十四寨平利州賊劉四祿及錦州賊
張致遷龍虎衛上將軍兵馬都提控元帥繼取遼
東西廣寧金復海蓋等十五城興州監州重兒反
復討平之帝遣使者詔曰自汝效順戰功日多今
賜汝金虎符居則理民有事則將從攻東平延安
圍鳳翔先登手殺數十人左臂中流矢創甚褻創
進攻迪延舊作丹延今改正穆呼哩止之曰創未至死敢
自愛耶穆呼哩壯之與所乘白馬明日飾以朱纓

馳突萬衆中穆呼哩乘高見之曰此霸州元帥也
諸軍繼進金兵敗走迪延十餘城皆降遷軍民都

達嚕噶齊

舊作達魯花赤今改正

都提控元帥兼興勝府尹

從帝征河西取甘合辛蛇等州師還復從穆呼哩
攻益都下萊膠淄等三十二城以疾歸高州卒贈
推忠宣力保德功臣太尉開府儀同三司上柱國
追封興國公諡武毅 鼎爾子瑪努勒早從父習
戰初入見太祖問曰汝年小能襲父爵乎對曰臣

年雖小國法不小帝異其對顧左右曰此兒甚肖
乃父以為高州等處達嚕噶齊兼征行萬戶命攻
高麗花涼城監軍張翼劉霸都殞於敵馬努勒怒
曰兩將陷賊義不獨生趨出戰破之誅首將撫安
其民進攻開州州將金沙密逆戰擒之城中人出
童男女及金玉器以獻卻不受遂下龍宣雲泰等
十四城興州趙祚反土豪楊買驢等附之命從親
王察罕台舊作察合帥師討之斬賊將董蠻等圍買

台今改正

驢於險樹寨三月不下買奴令健卒劉五兒即寨
北小徑上大樹以繩潛引百人登寨直前却之買
驢投崖死餘黨悉平太宗即位錄功賜金鞍良馬
從征高麗入王京取其西京而還賜金銷甲加鎮
國上將軍征東大元帥佩金符復命出師高麗將
行以疾卒贈推誠效義功臣榮祿大夫平章政事
追封興國公諡顯懿 瑪努勒子元臣別名哈喇
哈斯舊作哈喇哈
孫今改正年十六入宿衛應對進止有度

世祖謂丞相和爾和

舊作和魯
火今改正

孫曰此勲臣子非

凡器也以為集賽筆且齊襲千戶將其父軍從伐

宗攻淮西戍清口取瓜州下通泰累有功至元十

二年從丞相巴延

舊作伯顏
今改正

平宗進階武毅將軍

中衛親軍總管佩金虎符珠爾噶台

舊作只兒瓦
台今改正

叛圍應昌府時皇女魯國公主在圍中元臣以所

部軍馳擊珠爾噶台敗走追至魚兒樂擒之公主

賜賚甚厚奏請暫留鎮應昌以安反側居一歲召

至京師遷明威將軍後衛親軍副軍副都指揮使
還鎮應昌又三歲召還加昭勇大將軍帝以所籍
入權臣家婦賜之元臣辭曰臣家世清素不敢自
污帝嘉歎不已進昭毅大將軍同僉江淮行樞密
院事罷歸高州帝親征納延元臣率家僮五十人
見行在所願效前驅移僉湖廣行樞密院時溪洞
施容等州蠻獠作亂元臣親入其境喻以禍福賊
首魯萬丑降卒官贈安遠功臣龍虎衛上將軍同

知樞密院事追封興國公諡忠靖子迪中奉大夫
湖廣宣慰使都元帥

謹按金之霸州屬中都元之霸州屬大都皆燕
地而傳於髙爾稱得疾歸高州於元臣亦稱罷
歸高州高州元屬興中遼金俱有霸州彰武軍
之名其為興中之霸州無疑

何實 元史何實傳何實字誠卿其先北京人曾
祖搏霄雄於貲好施與鄉里稱善人祖鼎敬父道

忠仕金為北京留守實少孤依叔父居氣節不凡
家人常入卧內見一青蛇蜿蜒衣被中駭視乃實
也及長通諸國譯語驍勇善騎射倜儻不羈遠近
慕其雄畧咸歸心焉中原盜起錦州張鯨自立為
臨海郡王遣使納款以叛伏誅鯨弟致初以叛謀
於實實厲聲叱曰天之運數在朔方汝等恣為不
軌徒自斃耳乃籍戶口一萬募兵三千來歸大將
穆呼哩與論兵事奇變百出欣躍稱賞遂引見太

祖獻軍民之數帝大悅命從穆呼哩還充前鋒以
功為帳前軍馬都彈壓穆呼哩東下齊數郡使實
帥師四千取燕南齊西之地遷兵馬都鎮撫從取
大同鴈門石隰等州悉平之引兵掠太原平陽河
中京兆諸城所向欵附錄功為元帥左監軍穆呼
哩卒子博囉舊作孛魯
今改正嗣武仙復叛據邢實帥師
五千破之軍令嚴肅博囉命戍邢多善政邢民敬
如神明博囉征西夏以實分兵攻汴陳蔡唐鄧許

鈞睢鄭亮頴所至有功復命駐兵邢州分織匠五百戶置局課織賜金虎符便宜行元帥府事邢因武仙之亂歲屢饑請移匠局於博博囉從之太宗數召入見賜坐與論軍中故事良久曰思卿效力有年朕欲授以征行元帥後當重任實叩頭願辭監軍之職幸得元佩金符督治工匠歲獻職幣優游以終身帝不悅令射不能密使人覘之實臂果不能舉始可其奏取金符親賜之授以漢字宣命

充御用局人匠達嚕噶齊子孫世其爵遣歸卒於
博子九人孫十七人子崇禮授應奉翰林文字從
仕郎同知制誥兼國史院編修官

劉亨安 元史劉亨安傳劉亨安其先范陽人後
遷遼東川州初太師國王穆呼哩經略遼東兄世
英率宗族鄉人隸麾下分兵收燕趙雲朔河東以
功充行軍副總管平陽諸郡被兵之餘民物空竭
世英言於王曰自古建國以民為本今河東殺掠

殆盡異日我師復來孰給轉輸收存卹亡此時也
王善之以絳州邊地難其人奏授世英絳州節度
使兼行帥府事卒於師無子博囉命其族兄德仁
襲職金將伊喇副樞功絳州城陷死之穆呼哩承
制命亨安領其衆奏賜金虎符授鎮國上將軍絳
州節度使行元帥府事兼觀察使從王師渡河入
關會大軍於鈞州敗金人於三絳山既而宋兵二
十萬攻汴將趨洛都亨安往拒之宋師奔潰追擊

百餘都元帥塔海征巴蜀出奇制勝戰功居多進
圍成都亨安為先鋒大破之於城西生擒宋將陳
侍郎有喬長官與亨安爭功未幾攻城喬為砲所
傷亨安負之以出喬感愧從軍十年累著勲伐所
獲金帛悉推與將佐士卒咸樂為用卒子貞嗣職
孫三人宏彊弭

田雄 元史田雄傳田雄字毅英北京人也幼孤
能樹立以驍勇善騎射知名金末署軍都統太祖

至北京率衆出降隸太師國王穆呼哩麾下從征
興中廣寧諸郡有功穆呼哩承制授雄隰吉州刺
史兼鎮戎軍節度使行都元帥府事平汾西霍山
諸柵以穆呼哩命授河中帥聽石天應節制太宗
時從攻西河興元夔萬諸州論功尤最賜金符授
行軍千戶召為御前先鋒頃之使攻破損州雷家
堡奉旨招納河南降附得戶十三萬七千有奇民
皆安堵而別部將校縱兵虜掠民惶懼悔降雄力

為救護至出已財與之民得免害授鎮撫陝西總
管京兆等路事時關中苦於兵革郡縣蕭然雄披
荆棘立官府開陳禍福招徠四山堡砦之未降者
獲其人皆慰遣之由是來附者日衆雄乃教民力
田京兆大治事聞賜金符定宗時入覲於和林以
疾卒後追封西秦王子八人大明襲職知京兆等
路都總管府事

姚樞 元史姚樞傳姚樞字公茂柳城人後遷洛

陽少力學揚惟中與之偕覲太宗世祖在潛邸遣趙璧召至大喜待以客禮詢治道樞為書數千言陳治平大經及救時之弊即位立十道宣撫使以樞使東平拜太子太師樞曰皇太子未立安可先有太師改大司農拜中書左丞昭文館大學士翰林學士承旨卒謚曰文獻子煒仕為平章政事從子燧官至翰林學士承旨以文章大家知名卒謚曰從

謹按元無柳城縣蓋元史成于倉卒偶沿志狀
用古地名又樞兄子燧元史亦有傳因生長在
洛陽故未采入他如金之圖克坦舊作徒單
今改正克
寧其先金源縣人元圖圖爾噶舊作吐吐
哈今改正其先
居武平北折連州劉濬其先興州人皆占籍他
處已久如斯類者概不泛列

趙炳 元史趙炳傳趙炳字彥明惠州灤陽人父
宏有勇畧國初為征行兵馬都元帥積階奉國上

將軍炳幼失怙恃鞠於從兄歲饑往平州就食遇盜欲殺之兄解衣就縛炳年十二泣請代兄盜驚異舍去甫冠以勲閥之子侍世祖於潛邸恪勤不怠遂蒙眷遇世祖次桓撫間以炳為撫州長中統元年命判北京宣撫司事北京控制遼東蕃夷雜處號稱難治時叅知政事楊果為宣撫使聞炳至喜曰吾屬無憂矣李璫叛據濟南炳請討之將千人獨當北面所俘獲即縱遣去曰脅從之徒不足

治也入為刑部侍郎兼中書省斷事官濟南妖民
作亂賜金虎符加昭勇大將軍濟南路總管炳至
止罪首惡餘黨解散歲凶發廩賑民而後以聞遷
遼東提刑按察使豪猾屏迹帝念關中重地思得
剛鯁舊臣以臨之授炳京兆路總管兼府尹皇子
安西王開府於秦詔治宮室悉聽炳裁制府吏卒
橫暴擾民者即繩以法王命曰後有犯者勿復啟
請若自處之由是悉斂迹關民以安加鎮國上將

軍安西王相秋被旨入見便殿勞之曰卿去數載
衰白若此關中事煩可知已詢及民間利病炳悉
陳之因言王薨後運使郭琮郎中郭叔雲竊弄威
柄改中奉大夫安西王相兼陝西五路西蜀四川
課程屯田事餘職如故即令乘傳往按琮等琮假
嗣王旨囚之炳子仁榮訴於上詔近待二人馳驛
脫炳且械琮黨偕來琮等留使者醉以酒先遣人
毒炳於平涼獄中其夜星隕有聲如雷帝聞之撫

髀歎曰失我良臣琮等至帝親鞫問盡得其情命
仁榮手刃琮叔雲於東城籍其家以付仁榮對曰
不共戴天之人所蓄物皆取於民何忍受之別賜
鈔二萬二千五百緡為治喪具舊制無賻臣下禮
盖殊恩也六月詔雪炳寃特贈中書左丞謚曰忠
愍子六人仁顯早亡次仁表仁榮仁旭仁舉仁軌
仁榮仕至中書平章政事餘俱登顯仕

張庭珍

弟庭瑞

元史張庭珍傳張庭珍字國寶

臨潢全州人父揖金商州南倉使降太宗命監權
北京等路賦課改北京都轉運使因家北京憲宗
即位以庭珍為筆且齊高麗擅徙居海中江筆島
遣庭珍往問答言大軍歲入侵掠避而走險不得
已也賂以金銀數千兩却之歸以狀聞帝為禁戍
兵無擅入其地高麗以安伐宋至閬州授安撫使
世祖即位自將北伐以庭珍熟知西京入漠南路
遣立沙井諸驛兼給糧運授同僉土蕃經畧使安

南入貢不時以為朝列大夫安南國達嚕噶齊佩
金符由吐蕃大理諸蠻至安南世子光昞立受詔
庭珍責之光昞惶恐下拜既曰汝官朝列我王也
相與抗禮古有之乎庭珍曰王人雖微序於諸侯
之上光昞曰既稱大國何索吾犀象庭珍曰貢獻
方物藩臣職也光昞無以對益慚憤使衛兵露刃
環立庭珍解所佩弓刀坦卧室中曰聽汝何為光
昞及羣下皆服明年遣使隨入貢帝大悅授襄陽

行省郎中從數騎抵南門呼宋將呂文煥語曰孤
城路絕欲以死守求空名如闔郡之人何文煥降
以功遷中順大夫宋平拜大司農卿南京路總管
兼開封府尹卒於官庭珍性清慎丞相巴延嘗語
人曰諸將渡江無不荒貪惟我與國寶始終自守
聞者以為知言弟庭瑞庭瑞字天表幼以功業
自許兵法地志星歷卜筮無不推究以宿衛從憲
宗伐蜀為先鋒中統二年授帥府叅議留戍青居

諸軍攻開州建州庭瑞將兵築城虎嘯山扼二州
路宋將夏貴以師數萬圍之堅守踰月援兵不敢
進庭瑞度宋兵稍懈三分其兵夜劫貴營宋兵驚
潰以功授奉議大夫兵圍重慶以庭瑞練習軍事
改成都總管佩符虎舟揖兵仗糧儲皆倚以辦蜀
平陞諸蠻夷部宣慰使甚得蠻夷心授叙州等處
蠻夷部宣撫使改潭州路總管辭歸關中三年思
成都遂從漢中分家奴往居焉以疾卒

王克敬 元史王克敬傳王克敬字叔能大寧人

幼奇穎常戲道旁丞相旺扎勒

舊作完澤今改正

見之曰

令器也大寧朔土習尚少文克敬獨孜孜為儒者
事既仕累遷江浙行省照磨監四明倭人互市先
是往監者懼夷情叵測嚴兵衛如待大敵克敬悉
去之撫以恩意帖然無敢譁番陽大饑總管王都
中出廩粟賑之行省欲罪其擅發克敬曰番陽距
此千里比待命民且死彼為仁而吾屬顧為不仁

乎都中因得免拜監察御史尋遷左司都事時英
宗勵精圖治丞相拜住請更前政不便者會議中
書堂克敬首言江南包糧民貧有不能輸當罷之
兩浙煎鹽戶當免其他役悉從之擢江西道廉訪
司副使轉兩浙鹽運司使首減紹興民食鹽五千
引入為吏部尚書乘傳至淮安墜馬居吳中養疾
元統初起為浙江行省叅知政事請罷富民承佃
江淮田從之視事五月請老年甫五十九謂人曰

穴趾而峻墉必危再實之木必傷其根無功德而
忝富貴何以異此又曰世俗喜言勿認真臨事勿
認真豈盡忠之道乎讀書有所得者輒抄為書所
著詩文奏議傳於世卒贈中奉大夫陝西等處行
省叅知政事追封梁郡公謚文肅子時以文學顯
歷仕中書叅知政事至左丞以翰林學士承旨致
仕

崔敬 元史崔敬傳崔敬字伯恭大寧之惠州人

通刑法名律之學天歷初辟御史臺察院書吏歷
刑部令史徽政院掾史遂陞中書掾用累考及格
授刑部主事遷樞密院都事拜監察御史上疏請
迎歸太后太子全母子之情又諫巡幸上都宜御
內殿出薰山北廡訪司事按部全寧獄有李秀以
坐造偽鈔連數十人而皆與秀不相識敬疑而讞
之詢知始謀者乃大同王濁十餘年事不泄而有
司誤以秀為濁捶楚之下秀自誣服耳移文至大

同果得濁至正初遷河南又遷江東所至抑豪強
惠下窮洗冤滯興學勸農百廢具舉同知大都路
總管府事直沽河淤數年中書省委敬浚治之給
鈔數萬錠募工萬人不三月告成除刑部侍郎歷
兵部尚書尋拜叅知政事行省河南復為兵部尚
書兼濟軍軍民屯田使朝廷給以鈔十萬錠散於
有司招致居民軍士立營屯種歲收得百萬斛以
給邊防居歲餘其法井井召為大司農少卿遂拜

中書叅知政事盜據齊魯敬與平章政事達蘭

舊作

答蘭今

改正 叅知政事阿普爾

舊作俺普今改正

分省陵州州

乃南北要衝無城郭居民散處敬兼領兵刑戶工

四部事供給諸軍事無不集丞相以其能上聞賜

之上尊仍命便宜行事山東郡邑之復敬之策居

多敬以軍馬供給浩繁民力日疲請行納粟之令

積粟百萬以給軍費民力稍蘇除山東行樞密院

副使遷江浙行省左丞卒贈資善大夫江浙行省

左丞如故諡曰忠敏

孫秀實 元史孝友傳孫秀實大寧人性剛毅喜
周人急里人王仲和嘗托秀實貸富人鈔二千錠
貧不能償棄親逃去數年其親思之疾秀實曰饋
薪米存問終不樂悉為代償取券還其親復令奴
控馬齎金訪仲和使歸父子歡聚聞者莫不嗟美
又李懷玉等貸秀實鈔一千五百錠度無以償盡
還其券不徵事聞詔旌之

劉廷讓 元史孝友傳劉廷讓大寧武平人至順
初北方兵起民被殺掠廷讓挈家避山中有幼弟
方乳母王氏置之於懷兵急廷讓乃棄己子一手
抱幼弟一手扶母疾驅得免事聞旌之

張洪範 石抹昌齡 元史孝友傳居喪廬墓者
有北京張洪範興中石抹昌齡

列女 附

唐

宜芳公主楊氏 舊唐書元宗紀天寶四載三月
封外孫獨孤氏女為靜樂公主出降契丹松漠都
督李懷節封外孫楊氏女為宜芳公主出降奚饒
樂都督李延寵九月契丹及奚酋長各殺公主舉
部落叛

謹按宜芳公主全唐詩小傳作宜芬公主云公
主本豆盧氏有才色天寶四載奚靺無主安祿
山請立其質子以公主妻之上遣中使護送至

潯池驛哀怨作詩一首題屏風曰出嫁辭鄉國
由來行路難聖恩愁遠道行路泣相看沙塞容
顏盡邊隅粉黛殘妾心何所斷他日望長安其
事蹟皆在天寶四載疑宜芬即宜芳也特一作
楊氏一作豆盧氏未可解耳至靜樂公主雖見
唐書以無事實不錄又舊唐書紀內李懷節新
唐書契丹傳作李懷秀

遼

陳氏 遼史列女傳邢簡妻陳氏營州人父陘五代時累官司徒陳氏甫笄涉通經義詩賦一覽輒誦尤好唵咏時以女秀才名之年二十歸於簡孝舅姑閨門和睦親黨推重有六子陳氏親教以經後二子抱朴抱質皆以賢位宰相統和十二年卒睿智皇后聞之嗟悼贈魯國夫人刻石以表其行及遷祔遣使以祭論者謂貞靜柔順婦道母儀始終無缺云

金

姚氏 金史王維翰傳王維翰利州龍山人為定
海軍節度使避難率吏民結營堡自守力窮被執
妻姚氏亦不屈與維翰俱死詔贈芮國夫人諡貞潔
元

栢都賽兒 元史文宗紀至順二年大寧和衆縣
何千妻栢都賽兒夫亡以身殉葬旌其門

趙哇兒

安氏
魏氏

張氏
白氏

劉氏

謝氏

蕭氏

元史列女傳趙氏名哇兒大寧人年二十歲夫蕭氏病劇謂哇兒曰我死汝年少若之何哇兒曰君幸自寬脫有不諱妾必從君地下遂命匠制巨棺夫歿自經死家人同棺斂葬焉又有大寧趙臃兒妻安氏陳恭妻張氏武壽妻劉氏宋敬先妻謝氏薩里舊作撒里今改正妻蕭氏興州某氏妻魏氏利州高托卜嘉舊作高塔必今改正妻白氏並以早寡不忍獨生以死從夫事聞悉命褒表或賜錢贈卹云

段氏 張羽七姬墓權厝志七姬皆良家子事浙
江省左丞滎陽潘公皆為側室及敵抵境公日臨
戰一日歸召七姬謂曰我授國重寄義不顧家脫
有不宿戒若等毋為人嗤也一姬跪而前曰主君
遇妾厚請及君時死以報遂趨入室以帨自經死
於戶六人者亦相繼經死段氏大寧人年十八其
先死者也

謹按七姬墓在蘇州府城內以段氏為大寧人

故錄之

額森呼圖克

舊作也先忽都今改正

玉蓮

元史列女傳

額森呼圖克蒙古欽氏大寧路達魯噶齊特穆爾

巴哈

舊作鐵木兒不花今改正

之妻以夫恩封雲中郡君夫坐

事免官居大寧至正十八年紅巾賊至與妾玉蓮

走泥寺中為賊所得令與衆婦縫衣罵曰我達魯

噶齊妻也汝曹賊也我不能為針工以從賊賊怒

殺之玉蓮因自縊者三賊併殺之先是其子旺扎

勒特穆爾

舊作完者帖
木兒今譯改

年十四與父出城見執於

賊拜請以身代父死賊愛其姿秀遂挈以從久之

乃脫歸訪母屍並玉蓮葬焉

謹按特穆爾巴哈以免官居大寧則額森呼圖

克與玉蓮皆為流寓人不得屬之大寧以他無

可附故錄於此

欽定熱河志卷八十九

欽定四庫全書

欽定熱河志卷九十

人物四

流寓

附

晉

封奕 十六國春秋前燕錄封奕字子專渤海蓐
人也祖釋疾屬於慕容廆釋卒廆以為軍諮祭酒
軍國機要悉委之討鮮卑木提於白狼金柳城遷

右司馬尋擊宇文逸豆歸大獲而還進鎮軍左長
史遂與諸將佐勸號稱燕王奕進位相國封武平
侯討平冉閔在相位十五年政務之暇留心講論
接引後進如不及喜怒不形於色儻即帝位進為
太尉領中書監復十餘年遂為定策元勲及暉之
世欲徙龍城宗廟社稷及所留百官家屬必得耆
德大臣迎之乃遣奕與侍中慕輿龍往既至暉親
率羣臣謁於道左奕以暉建熙六年卒謚曰匡公

謹按晉永嘉末中州士族咸往依慕容氏故流寓為多其時所居尚在令境外茲但就斃都龍城以後見於史者錄之他若宋王富歐陽諸人通使於遼特為經過其境五代漢時胡嶠居契丹七年宋時洪皓亦留金十五年可謂流寓矣然觀嶠所著臨北記先至上京後至福州皆不在中京境內皓所著松漠紀聞載上京至燕之道里亦經由榆關而不至北京

金北京即遼中京

故不

列入

陽鶩

弟裕

十六國春秋前燕錄陽鶩字士秋古

北平無終人也父耽為遼西太守母李氏博學有
母儀耽常升堂拜之鶩少好學器識沉遠起家為
平州別駕屢獻安時強國之策及耽即位遷左長
史東西征伐參謀帷幄封建寧公耽臨終謂鶩曰
陽士秋志行高潔忠幹貞固可託大事汝善待之
鶩將圖中原鶩制勝之功亞於太原王恪暉既嗣

立申師傳之禮親遇日隆及為太尉固求罷職不
許歷事四朝年耆望重自太原王恪以下皆禮拜
之而謙恭謹厚過於少時子孫朱紫羅列無敢違
犯其法度者性尤儉約好施無倦常乘弊車瘠牛
卒無殮財人士莫不痛惜之謚曰敬弟裕字士
倫少孤兄弟皆早亡宗族無能識者惟叔父耽奇
之曰此兒非惟吾門之標秀乃佐時之良器也石
勒克薊城欲任之裕微服潛遁令支歷事段氏五

主甚見親重其後段遼與甄相攻裕諫不從出為燕郡太守北平相及石虎攻遼長驅入薊裕率其民數千家登燕山自固諸將急欲攻之虎曰裕儒生矜惜名節恥於迎降耳無能為也既克令支裕詣軍門降拜北平太守徵為尚書左丞段遼之請迎於虎也裕以左丞為征東將軍麻秋司馬秋敗裕為甄軍所執甄素聞裕名命釋其囚拜郎中令遷大將軍左司馬東破高句驪北滅宇文歸皆預

其謀及遷都龍城城池宮閣規模皆裕制性謙恭
清儉剛簡慈篤歷居朝端有若布衣士大夫流亡
羈絕者莫不經營收葬存卹遺孤士無賢不肖皆
傾身以待之是以所在推仰范陽盧諶每曰吾及
晉之清平歷觀朝士如陽士倫者實亦未幾也及
死斃甚悼之比葬三臨時年六十一

高詡 十六國春秋前燕錄高詡遼東人也永嘉
末避地隱居建武初龐自稱大單于詡杖策見之

曰霸王之資非義不濟今晉室雖微人心猶附宜遣使江東示有所尊然後仗大義以征諸部誰敢不從龐善之拜為郎中令甄嗣立遷元菟太守以平征虜仁功封汝陰侯轉左長史詡善天文及謀伐宇文逸豆歸詡進曰宇文強盛今不取必為國患伐之必克然不利於將出而告人曰吾往必不返然忠臣不避也將發不見其妻使人語以家事而行逸豆歸果大敗身為流矢所中卒

黃泓 十六國春秋前燕錄黃泓字始長廬江人

也

一作魏郡人

父沉善天文祕術泓受父業精妙逾

深博覽經史尤明禮易性甚忠勤永嘉末避地於
薊率宗族歸虜虜待以客禮引為叅軍軍國之務
輒咨之泓止說成敗事皆如言虜常曰黃叅軍國
之仲翔也及虢嗣位遷左常侍領史官石虎率衆
來攻虢將走遼東泓曰賊有敗氣無憂也不過二
日必奔潰宜嚴勒士馬為追擊之備及期果退虢

益奇之僞即王位遷從事中郎及僭偽號署為進
謀將軍太史令關內侯尋加奉車都尉西海太守
領太史令開楊亭侯進封平舒縣五等伯常從左
右諮決大事靈臺令許敦害其寵泓待敦彌厚不
以毀己易心暉敗以老歸家歎曰燕必中興其在
吳矣恨吾年過不及見耳年九十七卒後三年吳
王垂果以興焉

韓恒 十六國春秋前燕錄韓恒字景山灌津人

也一作安平人父默以學行顯名恒年十歲能屬文同

郡張載奇之曰王佐才也身長八尺一寸博覽經籍無所不通永嘉末避地遼東依於崔毖龐既逐毖恒徙於棘城召見與語悅之拜叅軍事咸和中宋該等表請龐為大將軍燕王之號下羣僚博議咸以為宜恒駁曰立功者患信義不著不患名位不高且要君以求寵爵者非為臣之義也龐頗不平之出為新昌令遷營邱太守政化大行雋既僭

號將定五行次羣議以為燕宜承晉為水德恒時
疾在龍城乃召決之既至言於偽曰大燕王迹始
於震於易震為青龍受命之初有龍見於都邑城
龍為木德幽契之符也秘書監聶熊聞恒言歎曰
不有君子國何以興其韓令君之謂乎

鮮于亮 十六國春秋前燕錄鮮于亮范陽人也
初仕石虎為別將與麻秋帥眾迎段遼太原王恪
擊敗之亮失馬步緣山不能進因止端坐恪兵環

之叱令起亮曰汝曹能殺亟殺不能則去儀觀豐
偉聲氣壯厲燕兵憚之不敢殺以白毖命以馬
迎之與語大悅拜為左常侍後毖自率大衆征高
句驪亮言於毖曰臣以俘虜蒙王國士之恩不可
以不報今日願效前驅遂與數十騎先犯高句驪
陣所向摧潰雋既嗣立復以前鋒將軍伐趙攻拔
薊城陷陣先登威名顯著以功遷揚威將軍歷章
武齊郡二郡太守

乙逸 十六國春秋前燕錄乙逸平原人也仕為
東夷護軍慕容仁之叛棄城奔還轉元菟太守雋
建留臺於龍城遷尚書專委留務徵為左光祿大
夫夫婦共載鹿車子瑋隨從常數十騎服飾甚麗
奉迎道左逸大怒閉車不與言到城乃深責之常
憂其必敗而瑋更被擢用頻歷顯位至中書令御
史中丞乃歎曰瑋專為奢縱而位居清要此豈惟
瑋之忝幸實時世之陵夷也

皇甫真 十六國春秋前燕錄皇甫真自楚季安
定朝那人也兄岌晉東夷校尉崔毖請為長史終
莫能致虜招之即至與真並任居樞要真更弱冠
高才銳嗣立遷平州別駕時百姓勞瘁真議欲寬
減賦稅休養力役不合旨免官後以破麻秋功拜
奉車都尉守遼東營邱二郡皆有善政及僞即位
入為典書令從恪等討擒冉閔南拔鄴都城內珍
寶充溢真一無所取惟存恤人物收斂圖籍而已

儻臨終真與恪等俱受顧命累遷太尉侍中符堅
密謀併燕命西戎主簿郭辨潛結匈奴左賢王遣
使朝貢辨因為之副還為堅言燕朝政無綱紀實
可圖也鑒機識變惟皇甫真耳真性清儉寡慾不
營產業飲酒至石餘不亂雅好為文凡著詩賦四
十餘篇王猛入鄴真從堅入關為奉車都尉奉朝
請數歲卒

李洪 十六國春秋前燕錄李洪平陽人也初受

王浚假署為雍州刺史後歸銑仕為大理歷內史
右司馬石虎攻棘城洪弟普勸洪出避禍洪曰天
道幽遠人事難知且當委任勿輕動以取悔普固
請不已洪曰卿意見明審當自行之吾受慕容氏
恩當効死於此耳與普流涕而訣普遂降虎從虎
南歸死於喪亂洪由是以忠篤著名從儁攻鄧恒
于魯口出屯高冢慕與根擊恒部將鹿勃早洪徐
整騎隊助之俘斬甚衆暉立轉龍驤將軍進位司

空王猛克鄴隨暉入長安拜駙馬都尉奉朝請卒
高開十六國春秋前燕錄高開渤海蓐人也父
瞻永嘉末北依崔曄密謀伐虜瞻固諫不從及
曄奔敗瞻隨衆降虜署為將軍稱疾不赴卒開仕
儁為昌黎太守時土豪封放與趙故太尉劉準聚
衆自守儁遣開討之至渤海準放迎降遂署為幕
府叅軍從太原王恪征冉閔於襄國閔多步卒說
恪以誘致平地擊之閔遂敗走開被重創而卒弟

商剛毅嚴重好學有事幹為雋范陽太守兄開戰
沒悲哭嘔血扶杖乃行雋召見之商涕泣不勝雋
顧謂左右曰自古友于之愛未有如商者也即日
拜昌黎太守商泣辭曰臣兄亡於此郡臣故不忍
為之雋愍而改授遼西

公孫鳳 十六國春秋前燕錄公孫鳳字子鸞上
谷人也隱居昌黎之九城山谷冬衣單布寢處土
床夏每并食於一器蛆臭乃食彈琴吟咏陶然自

得人莫能測也暉以安車徵至鄴見暉不言不拜
衣食舉動如在九城賓客造請少得與言數年病
卒

謹按自封奕以下或以避地或以歸降多為燕
之將相列卿于十六國春秋有傳皆在旣僞時
曾居龍城故得列入惟公孫鳳以上谷人而隱
居昌黎則以地而存其人也

封裕 十六國春秋前燕錄慕容廆以渤海封抽

子裕典機要說即王位以為記室永和元年說以
收牛給貧家使佃苑中公收其八二分入私自有
牛而無地者公收其七三分入私記室叅軍裕諫
說乃下令賜錢五萬宣示中外

韓壽 十六國春秋前燕錄大興二年宇文悉獨
官率衆逼城遼東韓壽言於虜曰悉獨官將驕卒
肆若奇兵猝起掎其無備必破之策也乃出兵大
戰遂敗之四年虜備置僚屬以壽為別駕說即王

位以為司馬復兼左長史八年伐高句驪壽斬其將阿佛和度加諸軍乘勝追之遂入九都

劉佩 十六國春秋前燕錄咸康四年趙王虎率眾至棘城驚懼形於色元菟太守河間劉佩曰強寇在外眾心恐懼事之安危係于一人大王此際當自強以勵將士今事急矣臣請出擊之縱無大捷足以安眾乃將敢死士數百騎出衝趙兵斬獲而還于是士氣百倍建元二年伐宇文逸豆歸為副

前鋒克其都城中流矢卒

常煒 十六國春秋前燕錄慕容儁三年二月冉

閔潛稱大號攻圍襄國趙主石祗危迫遣故太尉
張舉乞師許送傳國璽姚弋仲亦遣來告儁以悅
綰為禦難將軍帥兵三萬往會之閔聞儁欲救趙
遣大司馬從事中郎廣寧常煒來聘儁使記室封
裕詰以僭稱大號張舉云璽在襄國其言信否又
聞冉閔初立鑄金為己象以卜成敗壞而不成索

何言有天命煒曰天之神靈實在寡君鑄形之事
所未聞也雋既銳信舉言又欣于閔鑄形之不成
也必欲審之乃積薪置火其旁使裕以私誘之煒
神色自若抗言就死遂赦之使出就館夜遣其隣
人趙瞻往勞之且謂不以實言王將處君于遼碣
之表煒曰吾尚不欺布衣况人主乎直情盡言雖
處東海不敢避也遂卧向壁不復與瞻言雋怒囚
之龍城八月悅綰還自襄國雋知張舉之妄而殺

之常煒有四男二女在山中僞釋煒囚使諸子就見之煒上疏謝恩僞手令敕曰卿本不為生計孤以州里相存耳今大亂之中諸子盡至豈非天所念耶賜妾一人穀三百斛使居凡城

謹按自封裕以下十六國春秋皆未立傳然其事具見前燕錄內故亦登之此外寓燕之人逮事僞僞兩世者尚多事蹟或不甚著故不彙錄許謙十六國春秋前秦錄許謙字元遜代人也

少有文才善天文圖識之學符堅從弟行唐公洛鎮和龍請謙之鎮未幾以繼母老辭還鄉里後仕於魏太祖

北魏

奚兕 魏書奚兕傳奚兕烏侯子世祖時親侍左右隨從征討常持御劔後以罪徙龍城尋徵為知臣監出為薄骨律鎮將假鎮遠將軍賜爵富城侯時高車叛圍鎮城兕擊破之延興中卒

于什門 魏書于什門傳于簡字什門代人也太
宗時為謁者使喻馮跋往復聲氣厲然初不撓屈
既而跋止什門歷二十四年後馮文通上表稱臣
乃送什門歸拜治書侍御史世祖下詔曰什門奉
使和龍值狂豎肆虐勇志壯厲不為屈節雖昔蘇
武何以加之賜羊千口帛千疋追為上大夫策告
宗廟頒示天下咸使聞也十六國春秋北燕錄魏
太宗使謁者于什門來聘至和龍跋遣黃門郎常

陋迎之為不稱臣怒而不見及至跋又遣勞之什
門忿而不入曰大魏皇帝有詔須馮主出受然後
敢入跋使人牽逼令入見跋不拜跋使人按其項
什門曰馮主拜受詔吾自以賓主致敬何苦見逼
也乃幽執欲降之什門於衆中回身背跋披褲後
襠以辱之終不肯降跋遂留之不遣久之隨身衣
冠弊壞畧盡蟣蟲流溢跋遺以衣服拒而不受和
龍人歎曰雖古烈士無以過也

謹按于什門之在和龍魏書謂歷二十四年十六國春秋作二十一年考什門以魏神瑞元年
至燕延和三年還魏實止二十一年故燕取北
燕錄馮跋傳又于什門晉書作耿貳與魏書及
十六國春秋互異疑晉書之謠

隋

李景 隋書李景傳李景字道興天水休官人也
容貌奇偉驍勇善射平齊之役頗有力馬授儀同

三司進爵滑國公帝令營遼東戰具於北平後為
高開道所圍獨守孤城外無聲援歲餘士卒患脚
腫死者十將六七景撫循之一無離叛遼西太守
鄧嵩率兵救之遂歸柳城後將還幽州在道遇賊
見害契丹靺鞨素感其恩聞之流涕幽燕人士傷
惜之

唐

王思禮 唐書王思禮傳王思禮高麗人入居營

州父為朔方將軍思禮習戰鬪從王忠嗣至河西
以功授右衛將軍關西兵馬使安祿山反哥舒翰
為元帥奏思禮充元帥府馬軍都將委以軍事密
勸翰表誅楊國忠翰不應潼關失守思禮走行在
肅宗責不堅守引至橐駝下將斬之宰相房琯諫以
為可收後效遂赦之更為關內行營節度河西隴
右伊西行營兵馬使守武功長安平思禮先入清
宮收東京戰數有功遷兵部尚書封霍國公乾元

元年與子儀圍賊相州軍潰惟李光弼思禮完軍
還尋破史思明別將萬餘衆于直千嶺上元元年
加司空自武德以來三公不居宰輔唯思禮而已
薨贈太尉謚曰武烈

謹按舊唐書思禮傳云營州城傍高麗人也蓋
其先為高麗人後雖徙居猶以族地自別耳新
唐書宰相世系表營州王氏本高麗之族是也

金

趙興祥 金史趙興祥傳平州盧龍人父瑾遼靜

江軍節度使興祥以父任閤門祇候謁告省親於

白霄會遼李土賊季郡作亂興祥攜母及弟妹奔

燕京不能進乃自柳城涉砂磧夜視星斗而行僅

達遼軍而不知遼主所向遂還柳城及羅索

舊作妻室

今改正獲遼主興祥乃歸國

史蕭 中州集小傳史蕭字舜元京兆人僑居北

京之和衆幼孤養於外家天資挺特高才博學作

詩精綴有理尤善用字古賦亦奇峭工字畫業科
舉為名進士立朝為才大夫政事嚴而不苛所至
有聲吏畏而安之鵠降同知汾州事卒官舜元素
尚理性之學屏山學佛自舜元發之

元

王珣 元史王珣傳王珣字君寶本姓耶律氏金
王隆末祖成從母氏避難遼西更姓王氏遂為義
州開義人珣武力絕人善騎射河朔兵動召諸鄉

人諭以保親族之計衆推珣為長旬月之間招集至十餘萬太師穆呼哩畧地奚霄承制以珣為元帥兼領義州二州事張致僭號錦州陰結開義揚伯傑等來掠義州珣出戰伯傑引去致兄子以千騎來衝珣選十八騎突其前復令左右犄角之其衆潰走時興中亦叛穆呼哩圍之召珣以全軍來會致窺覘其虛夜襲之家人皆遇害及興中平珣無所歸穆呼哩留之興中遣其子榮祖馳奏其事

帝諭之曰汝父子宣力我家不意為張致所襲歸
語汝父善撫其軍自今以往當忍恥蓄銳俟逆黨
平彼之族屬城邑人民一以付汝吾不吝也仍免
徭賦五年使汝父子世為大官珣以穆呼哩兵復
開義擒伯傑等殺之進攻錦州致部將高益縛致
妻子及其黨千餘人以獻穆呼哩悉以付珣珣但誅
致家其餘皆釋之始還義州入朝帝嘉其功賜金
虎符加金紫光祿大夫兵馬都元帥鎮遼東便宜

行事兼我川等州節度使珣貌黑人呼哈喇

舊作哈喇

令改正

元帥哈喇中國言黑也卒年四十八

方外附

北燕

曇無竭 法苑珠林宋元嘉初有黃龍沙門曇無

竭者誦觀世音經淨修苦行與屬徒二十五人往

尋佛國備經艱險既達天竺舍衛路逢山象一羣

竭賣經念誦稱名歸命有獅子從林中出象驚奔

走後有野牛一羣鳴吼而來將欲加害竭又如初
歸命有大鷲飛來牛便驚散遂得免

謹按宋書元嘉十二年封黃龍國主馮文通為
燕王十六國春秋北燕錄亦曰江南謂之黃龍
國蓋是時燕通于宋傳聞此事故記載者繫之
宋元嘉實北燕人也

魏

法度 太平廣記釋法度黃龍人也南齊初遊于

金陵高士明僧紹隱居攝山挹度清真待以師友
及亡捨所居山為棲霞寺先是有道士欲以寺地
為觀住者輒多恐懼自度居之羣妖皆息歲餘忽
見一人投刺曰靳尚形甚閒雅羽衛亦衆致敬畢
乃言弟子主有此山七百餘年矣前後栖托或非
真實法師道德所歸謹捨以奉給并願受五戒明
旦一人送錢一萬并香燭等疏云弟子靳上奉供
度為設會尚又來同衆禮拜行道受戒而去既而

攝山廟巫夢神告曰吾已受戒於度法師矣今後
祠祭者勿得殺戮由是廟中薦獻菜飯而已

謹按是時黃龍屬魏法度當為魏人

遼

可觀 法願 惠敬 遼耶律幼安德州靈巖寺

碑統和中有山主僧可觀卜築給菴專精戒律守
太師通圓輔國大師法願者久霑人天之譽蔚為
帝王之師精選道行得長老惠敬付以寺事提綜

不倦

守奇

道隣

遼張嗣初靈感寺釋迦佛舍利塔

碑銘此塔自太平九年柳城人梁氏之所建氏兄弟二人長曰守奇次曰道隣自童子時有聚沙之戲後果志於出家大通宋乘先隱於龍岫之一蘭若後為城中人請居此土一日鉢中忽出異光不散者久之得舍利二粒玉米晶燦不可正視乃特興塔像凡一十三級復常有光數見或五色氣覆

之因上聞以精誠有感故靈應必通勅其寺曰靈
感

恒勛 靈巖寺碑僧恒勛書并篆額其碑陰復有
文一首末題勛述勛書蓋即恒勛所撰之文而耶
律勛所書也

慧材 釋迦定光二佛舍利塔記僧慧材撰

謹按二僧無行事可考然恒勛書法可觀慧材
駢體頗有詞采故並錄之据靈巖寺碑陰則恒

勛即彼寺之僧至於慧材舍利塔記中自稱狼
山冗學知亦即興中府境內人碑稱講經律論
師慧材撰遼時以經律論為三學考試境內之
僧取經律論優者為三法師慧材蓋即三學之
師也

金

圓蓋 金趙秉文利州精嚴禪寺蓋公和尚墓銘
師張姓諱圓蓋永昌阜俗人十九棄俗而僧叅玉

泉名公

闕

安寶公以機緣不契退居靈巖佛髻山

結茅棲隱者數載詣北京謁微公求印證公初不
之許既而不叅而叅無得而得大定六年始開堂
於精嚴繼席松林靈感師行峻而方故學者尊其
道而憚其律

謹按碑稱四明達公為北京松林北遷第一祖
圓蓋為四明之孫微公之子則達公與微公皆
北京之高僧也以行事無考故不專列附識於

此又元雲峰真人康泰真墓碑稱金鼎之地至人奇士比比而出如鄭狀元曹尚書蓋頭堂乃儒釋中之魁俊所謂蓋頭堂即指圓蓋也

元

顯月 慧霽 元僧顯月重修敝樓山天宮禪院
記師諱慧霽江淮楚地人也幼歲投師出家後聞
夾山順公長老道風孤潔繼而師之師天安敏達
洞曉五經研窮三藏歲在辛酉憩止惠州觀其西

南巔峰峻拔率道友躡躋而登止於敵樓山之抱
有古址殿宇額曰天宮惟設觀音神像于是面奉
慈顏益加精謹乃結廬而止未逾半載四衆雲臻
丙戌間不遠千里扣予之丈室懇求咨訣見其機
鋒峻利知是法器謂曰獅子窟中無異獸象王行
處絕狐踪遂左提右挈痛鉗鉗深獲契悟以印證
衣頌付之

謹按碑文所稱慧霸實受法於顯月顯月稱白

霄沙門則亦今境內人也

鳩巢

大輪

元僧居實五指山大輪禪師碑大

輪禪師

闕一字

行大輪號也海山名家吳氏子幼頗

讀書海州陷師甫十歲興中元帥王樸得師觀其
風儀氣宇非常兵力下問對不使師異之師鳩巢
雞髮服勤左右歲丙申受具已而行脚遍參諸方
迅機若電莫之當叟出倫輩衲子翕然

謹按此碑磨滅不完碑文所云大輪從師鳩巢

受具則鳩巢亦靈峰古德也因並列之

祥盤 元僧無際月華山林泉禪寺地產碑大寧
之東南三舍餘有山名號月華有禪者祥盤屆此
初立茅茨緇素聞之雲棲而輟伐除荆棘去其燼
壞師之行酒不濡齒過中不食非戒不履

康泰真

元李

關二
字

雲峰真人康泰真墓銘公俗

姓康氏道諱泰真利州花務村人也母感異夢娠
二十四月而生長而敦厚美髯過腹自仙風道骨

明昌元年耕於州西長壽山遇至人盤石而坐公
異之稽首而拜感至人口傳道于公心印元妙神
識爽然拜謝間忽失所在石上履跡迄今存焉棄
家入道於長壽山懸壁半石窟之中下志修真數
年里人敦請下山披木葉衣過舅氏之舍其姪氏
竊焚公葉衣火艷飛身神亦無懼體亦無傷丁丑
夏間徙居霽都有長春觀住持道人高煉真少所
許予一見公貌奇之曰殆非鍾離之後乎時夏甚

旱太師烏庫哩公率衆請至霄壇下公於赫日中
跣趺而坐良久曰來辰正當有甘澍果依期有一
犂之足是年仲冬凜冽霽之朝爽樓者最為傑觀
四壁曠然千山疊雪公裸袒而居及十旬餘樓下
瞻仰者雲集真寒暑不能侵者也其後利州節度
使任公帥官屬稽首於公曰金鼎郡師之鄉也願
建道院一區冀鶴駕賁臨公憫其感誠俯而允諾
不數載間初建琳宇名曰玉京後于長壽山作十

笏大室命曰葆光書遺世頌云平生活計得優游
寄托人間九十秋撒手這回歸去也杖挑明月赴

瀛洲

李元久 元張道中雲谿觀碑瑞州之北二百里
許有洞曰天一大洞觀曰雲谿自古黃冠修煉所
李元久先生錦州坊市人也幼多疾父母捨入建
州雲峰觀禮曹大師為引度師實邱神仙之法孫
庚辰郡人大寧路總管崔履謙因暇訪師談元論

道見其冥功實行樂清虛之活計甘淡泊之家風
愛之敬之

欽定熱河志卷九十

欽定四庫全書

欽定熱河志卷九十一

食貨

熱河為古邊徼財用之式無聞我

朝幅員廣遠民物阜繁舊於其地設七廳乾隆四十三年改設承德府領一州五縣申畫郊圻規模大備謹按洪範八政所先具列貢賦稅課倉儲戶口條目志食貨第十九藏冰為幽詩所重並以附焉

貢賦

凡旗地每畝上則征銀一分四厘中則征銀七厘
下則征銀三厘五毫民地每畝上則征銀六分中
則征銀三分下則征銀一分五厘柴山每畝征銀
一分園地每畝上則征銀二錢五分中則征銀一
錢二分五厘下則征銀六分二厘五毫灤平縣香
火民地征銀準民地下則例豐寧縣香火民地征
銀準民地上中下則例其籽荒并基地征銀旗民

地各準下則例

承德府

即熱河廳

旗地八百八十六頃三十四畝有奇

共征銀四百一十三兩三錢二分有奇民地二千零七十三頃二十三畝有奇共征銀四千一百一十三兩五錢七分有奇

灤平縣

即喀喇河屯廳

旗地一千二百九十三頃六十三

畝有奇共征銀五百零八兩三錢五分有奇民地八百七十九頃二畝有奇共征銀一千五百六十

八兩七錢四分有奇

平泉州

即八旗廳

旗地三千四百三十四頃三十五畝

有奇共征銀三千一百九十五兩三錢六分有奇
民地四百三十六頃九十三畝有奇共征銀九百
零九兩九錢一分有奇

豐寧縣

即四旗廳

旗地一萬二千一百七十七頃四十

一畝有奇共征銀九千一百一十五兩三錢八分
有奇民地五十二頃二十畝有奇共征銀七十八

兩三錢有奇

建昌

即塔子溝廳

赤峯

即烏欄哈達廳

朝陽

即三座塔廳

等三縣無

額征旗民地其所屬各旗地俱由王子貝勒公札薩克等交民人佃種取租

稅課

承德府每年額銀五千六百九十八兩五錢五分有奇

灤平縣每年額銀三百零二兩四分有奇

豐寧縣每年額銀二百三十兩

以上三處由該府縣經征儘收儘解交直隸布政

司庫

平泉州每年額銀一萬一千五百一十二兩六錢

附收龍鬚門額銀一百一十七兩六分有奇小子

溝銀一百七十五兩八錢二分有奇

建昌縣每年額銀五千九百八十二兩八分有奇

附收大城子額銀二百三十五兩一錢七分有奇

赤峯縣每年額銀一千八百三十七兩九錢八分
有奇

朝陽每年額銀一千四百四十七兩四分有奇附
收木頭城額銀三百七十四兩三錢三分二十家
子額銀一百七十兩三錢五分

以上一州三縣由理藩院奏派司員征收除稅局
支銷并奏請

恩賞各札薩克銀兩外餘悉交部解納

倉儲

承德府額貯穀二萬六千八百一十九石有奇

灤平縣常平倉現貯穀六千六百九十五石有奇

又鞍匠屯倉現貯穀八千五十石

平泉州額貯穀一萬五千三百七十四石有奇

又廣裕倉存貯八萬三千四百五十四石有奇

豐寧縣現存穀二萬四千六百六十七石有奇

建昌朝陽赤峯縣三縣無額征地糧並未建倉

戶口

承德府現在戶口共計八千九百七十九戶男婦
四萬一千四百九十六名口

灤平縣現在戶口共計五千二百三十戶男婦一
十萬六千六百三十二名口

平泉州現在戶口共計二萬九千三百十五戶男
婦十五萬四千三百零八名口

豐寧縣現在戶口共計二萬零八百七十一戶男

婦七萬二千零七十九名口

建昌縣現在戶口共計二萬三千七百三十戶男婦九萬九千二百九十三名口

赤峯縣現在戶口共計一萬五千三百五十六戶男婦六萬一千二百二十名口

冰窖

承德府喇嘛寺原設冰窖八座

豐寧縣中關波羅河七二處各設冰窖一座

灤平縣喀喇河屯常山峪兩間房三處各設冰窖
一座

平泉州建昌朝陽赤峯三縣未設冰窖

欽定熱河志卷九十一

欽定四庫全書

欽定熱河志卷九十二

物產一

熱河水土肥甘岡原沃衍菁英所萃百產充盈

聖祖仁皇帝展巡茲土

御製幾暇格物編彙舉品彙考證精詳我

皇上篇章題品

寵錫嘉名凡殊種異產內地罕見者均可以補圖經之

未備謹分類排次志物產第二十

穀之屬

早御稻 米色微紅較長味甘香六月早熟本

豐澤園種移藝山莊

聖祖御製康熙幾暇格物編

四集

豐澤園中有水田數區布玉田穀種歲至九月始刈獲
登場一日循行阡陌時方六月下旬穀穗方穎忽見一
科高出衆稻之上實已堅好因收歲其種待來歲驗其

成熟之早否明年六月時此種果先熟從此生生不已
歲取千百四十餘年以來內膳所進皆此米也其米色
微紅而粒長氣香而味腴以生自苑田故名御稻米一
歲兩種亦能成兩熟口外種稻至白露已後數天不能
成熟惟此種可以白露前收割故山莊稻田所收每歲
避暑用之尚有贏餘曾頒給其種與江浙督撫織造令
民間種之聞兩省頗有此米惜未廣也南方氣暖其熟
必早於北地當夏秋之交麥禾不接得此早稻利民非

小若更一歲兩種則畝有倍石之收將來蓋歲漸可充實矣昔宋仁宗間占城有早熟稻遣使由福建而往以珍物易其禾種給江淮兩浙即今南方所謂黑穀米也粒細而性硬又結實甚稀故種者絕少今御稻不待遠求生於禁苑與古之崔銜天雨者無異朕每飯時常願與天下羣黎共此嘉穀也

聖祖御製詩

早御稻

四集

紫芒半頃綠陰陰最愛先時御稻深若使炎方多廣布
可能兩次見秧針

嘉禾雙穎

夜雨初晴日素商驅暑天林紅變綠葉穀熟卜豐年勿
訝嘉禾瑞須知貴粟先秋成各地異大有再書篇

烏喇白粟 米色純潔味甘性膩其種得於烏喇
樹孔中

聖祖御製康熙幾暇格物編 四集

粟米有黃白二種黃者有黏有不黏本草注云粟黏者為秣北人謂為黃米是也凡白粟則性皆不黏七年前烏喇地方樹孔中忽生白粟一科土人以其子播獲生者不已遂盈畝頃味既甘美性復柔和有以此粟來獻者朕命布植於山莊之內莖幹葉穗較他種倍大熟亦先時作為糕餌潔白如糯稻而細膩香滑殆過之想上古之各種嘉穀或先無而後有者際如此可補農書所未有也

麥 有大小二種塞外地寒節候稍遲麥秋後半
月方熟

聖祖御製文

刈麥記 四集

塞外早寒最宜禾黍邇來中外一家版圖萬里朕避暑山
莊歷年已多今百穀齊成與內地相似不過遲十數日
而已故種麥者頗蕃山莊苑內麥穀黍稻皆寓焉從來
稼穡之艱不可不知亦不可虛設朕念切民依痼瘼一

體年近七旬精力漸衰扶杖而閱耕種臨畦而觀刈穫
遇雨暘時若則收割之際蒼顏野老共慶有秋黃口孺
子無愁乏食此朕一時之真樂也五十四年夏六月
小暑乃苑中刈麥之候薦新觀成如雲表盛晨氣腰風
秀蘄標奇遠聞各省麥秋相同此目前之實景也孔子
云吾不如老農老圃孟子云從其大體為大人從其小
體為小人農夫足食則樂天下至廣兆民至衆天時之
不齊地脈之不一吾之樂民有實也以目前之實景而

且不能必其盡同人如此嗚呼豈如田野村夫憂樂止
繫於身家而計慮不及於遠大乎故心之勞逸不可同
日而語也夫

聖祖御製詩

五月上旬避暑熱河途中喜麥秋盈野雨暘得時

賦七言一律

四集

避暑乘輿出鳳城麥秋預卜望庚晴千村共飽連年稔
萬井同歡比屋盈谷有靈泉山脈壯道無峻嶺馬蹄輕

移風易俗先忠孝蕃息編氓在厚生

五十四年仲夏避暑途中瑞麥盈野賦五言律以

記

忽送清塵雨題詩吮兔毫青黃接玉粒霰霖佐瓊膏入
野農歌徧緣溪收苗高蔚林能解愠蜜草滿亭臯

御製詩

麥收

癸未

山田報麥收候遲將半月場圃見高囷稌穗仍貽厥詎

惟平斗斛已有鬻餅餽昨秋稼尚可關內被災濶灌注
救目前兩敗力具竭青黃茲畧濟

蒼靈幸轉幹拳拳待西成民艱其敢忽

麥收

壬辰

關外較關內麥收遲半月寒暄殊致然驄農不容忽閱隄偶
野行崇墉見兀兀稔獲關內同村舍飽麵餽數日晴更佳困
鹿納已卒山雲將釀雨大田澤無缺時若有是哉額手慶無端
稻名類甚多不離粳糯二種羣芳譜曰北方地

平惟澤土宜旱稻今則熱河境內山田多種之

粟 即粱也本草曰穗大而芒長粒粗者為粱穗小而芒短粒細者為粟有青赤黃白黑數色羣芳譜曰北方直名之曰穀脫殼則謂之小米今熱河所產色黃赤者山東河南種白者北地種又有黑穀種出遼東土人間亦種之俗稱黃穀者為涼穀米紅穀者為紅黏米青穀者為黑米

稷 亦作稭先諸米熟本草曰稷與黍一類二種

也黏者為黍不黏者為稷稷可作飯黍可釀酒猶
稻之有粳與糯也其色有赤白黃黑數種稷熟最
早為五穀長元戴侗六書故曰稷稭同聲實一字
也羣芳譜曰南人承北音呼稷為稭謂可供祭也
考後漢書烏桓傳曰其土地宜稭新唐書奚傳曰
稼多稭蓋其土之宜稷由來舊矣

黍土人稱為黃米羣芳譜曰有黃白黎三色米
皆黃比粟微大北人呼黃米是也

蜀黍 一名高粱亦作蜀秫明徐光啓農政全書
曰蜀秫在北方地不宜禾麥者乃種此今熱河遇
窪下之土多種之山田則否其莖纖長懼為山風
所折也有甜苦二種甜者以供餐其苦者止宜作
酒

蕎麥 於山田尤宜羣芳譜曰北人日用以供常
食農人以為禦冬之具許有壬上京十詠有飢麵
詩曰坡遠花全白霜輕實便黃杵頭麩退墨碓齒

雪流香指蕎麥言也

按熱河全境在元時半屬上都

亦稱上京

半屬大寧

今承德府本境灤平縣豐寧縣

即舊熱河廳喀喇河屯廳四旗

廳皆上都路地也惟上都城在今境外故凡詩

文之作於上都者皆不載其統言上都境內物產者亦僅採為注釋不入後藝文門餘倣此

大豆 有黑黃白青褐班數色塞外每以豆釀酒謂之豆酒其一種黑而稍細者飼馬

赤小豆 亦名赤豆羣芳譜曰處處種之可煮可炒可粥飯可作麵食餡赤黯而粒緊小者入藥

綠豆 羣芳譜曰粒粗而色鮮者為官綠又名明綠粒小而色暗者為油綠又名灰綠其用甚廣亦作菰豆

白豆 一名飯豆羣芳譜曰小豆之白者也亦有土黃色者

豌豆 逸周書王會解曰山戎菽孔晁注云豆藥

也春秋莊公三十一年齊侯來獻戎捷穀梁傳曰
軍得曰捷戎菽也范甯注云菽豆楊士勳疏引徐
邈曰今之胡豆管子亦載此事注云胡豆爾雅曰
戎菽謂之荏菽亦豆也考張揖廣雅分胡豆豌豆
為二本草辨其非是以為戎菽與胡豆即今之
豌豆也

按羣芳譜載豆之屬以大小二豆該之豌豆亦
在小豆之中以其種出山戎而今熱河即古山戎

之地故特著之

蠶豆 亦作胡豆羣芳譜曰與豌豆同時種而形性迥別明徐光啓農政全書曰蠶豆之利比于豌豆十倍

豇豆 蔓生其莢有白紅紫班數色羣芳譜曰此豆嫩時充菜老則收子可穀可果取用最多

豌豆 山家沿籬多種之其一種子圓而色白者入藥品

薏苡 土人稱為薏米可粥可麪其種特良每收
嚮關內

脂麻 一名油麻亦名胡麻宋沈括夢溪筆談曰
胡麻直是今油麻張騫始得油麻之種故名胡麻
素問經曰油麻中國有四稜六稜者外國得八稜
黑麻種故又名胡麻一名巨勝即黑脂麻也有黑
白二種

玉蜀黍 一名御米亦作番麥故或附麥類農政

全書又作玉米今俗稱為包兒米有黃白赤黑斑
數色羣芳譜但稱粒如芡實大而瑩白未足盡之
其粉可作糕土人亦以為糜

東牆 後漢書烏丸傳曰其土地宜稌及東牆東

牆似蓬草實如稌子

三國志作實如葵子

至十月而熟亦作

東蕎子虛賦曰東蕎彫胡注張揖曰東蕎實可食

廣志曰東蕎色青黑粒如葵子語曰貸我東蕎償

我白梁幽并皆有之今土人罕稱其名疑即口外

之稗子米是也

按元一統志載穀麥稷黍豆麻大寧諸縣出
又利州惠州興中州川州建州高州土產有穀
麥黍豆又利州惠州高州土產稷又利州川州
建州土產麻又興中州土產芝麻其地皆在承
德府全境內今則土人隨宜種藝百穀並產
無復有疆域之限矣

聖祖御製詩

口外設屯耕植聚落漸成 二集

沿邊曠地多棄置良非榮年來設屯聚教以分阡陌春
夏耕耨勤秋冬有蓄積霜濃早收黍暄遲晚刈麥土固
有肥磽人力變荒瘠山下出流泉屋後樹豚柵行之無
倦弛定能增戶籍古之王者治恐亦無以易

御製詩

山田 辛酉

禾黍芄芄遍嶺巔停鞭欣看有秋年版圖可識同遐邇

塞外荒山盡闢田

高原宜黍稻宜低物土耕桑塞外齊茶幔酒旗山抱塢
軟沙濕草水鳴溪

舊代常愁烽火驚於今此地有人耕混同中外皆天澤
倍切乾乾保泰情

關外山田 癸亥

關外山田盡作梯漠南風景似江西水流野澗全無釣
谷轉荒村別有蹊樂事食瓜兼剥棗生涯次黍更蒸藜

百年赤子經休養物土耕桑六合齊

半載宵衣課雨暘停鞭一覽樂無央却欣民色渾非采

即看雲容欲作黃玉塞甫田遲錢鑄羽林飛騎漫騰驤

昨年惕厲今猶憶且喜秋臨淮海揚直隸頻歲有收雖今夏河間天津被

旱然秋成之處多是尚易辦所慮惟淮揚災饑之餘元氣未復間今歲頗可望有收故云

山田 丁卯

山田率有收其說頗嘗試陂陀易疏洩霖雨無憂積氣潤蒸霧露便早猶霑洎所以其生穀短莖而碩穗屈指

數年間五過乃豐四去歲山左歉賑恤亦云備所濟究
難遍災黎羣走避携妻負其孩來者以萬計亦有筐盛
種或乃犁拖牯懇闢厥荒確謀食聊託寄長吏漫遮迴
輕去豈其志幸得免溝壑何分內地幾見榆關外耕
作恣民意以此畧為慰更復念不置聚者日以衆地利
已無棄穀賤則傷農天時况難必叶嗟嗟守牧臣豈不
深長思

山田 已巳

今歲山田果倍收，黃雲到處暢吟眸。
可欣火種刀耕地，也報崇墉比櫛秋。
搖曳似聞風味美，湛灑好看露光浮。
賦租本薄饗殮足，茅屋纔言了不愁。

納稼三首

納稼塞中早寒暄候不同，秋豐悅圃滿田穫。
覺山空升屋炊烟白，當鑪濁酒紅兒孫。
瓦盆熟便以侑村翁，田家底為樂秋好即無愁。
不識催租吏，渾成擊壤遊。比隣皆有積滯穗，未曾收秉屋仍多暇。
春寒不播年

莎坂玉霜濃垂鞭過碧峯烟村呼父老穡事訪從容故
地原難較今秋得未逢

關外種地者多山東之民皆言
常年即勝其故鄉而今秋為尤

穩云報章披更喜大有慰三農

山田 辛未

山田日以闢刀耕人種之所幸常有秋不辭辛苦治生
齒日滋繇地利詎有遺贏此邊外墾稍救乏業黎丁男
相踵至燕雲逮晉齊奚啻千萬戶梯巖事耕犁内外久
一家蒙古頗相資更慮啓忿爭治之良有司亦知非遠

圖權以醫燃眉

山田
壬申

山田關外佳村村期二鬴春夏值時若所幸霑秋雨以此勝關內終善早登圃虛望彼其嗟實償此猶愈內外皆我民所願逢年普有懷每難遂殷憂繫心所

山田無土著大都齊晉民刀耕復火種戀障成塍鱗間之其初來裹糧惟一身心計躬受勞或有致富人賦稅既以薄蒙古風更醇戶口茲日增藉以資饑貧後此非所

知目前誠可因

山田

甲戌

山田不愁旱恒有陣雨過山田不愁澇就下流溪河蒙
古佃貧民種田得租多即漸罷遊牧相將藝黍禾黍禾
日以好牛馬日以少是云務近利而或失本道本道云
何如毳帳羊裘居射生善馳馬乳酒相歡娛試問百年
前流民到此無流民今到此或亦資生理凡茲率土濱
孰非我赤子養恬在隨宜不督翻為喜

塞田 已卯

塞田每致佳今歲實望外夏至過無雨跼蹐不可待 叶

孰謂迴

天佑甘霖乃大沛駕言自京畿農功觀一帶兩種都茂

秀關外較尤最獨是豁勃漲間 去聲 頗致為害大體縱無

妨一夫彼何賴得之已不易失之惜應陪 叶 莫非祈年

憂豈識行秋快

山田

山田已報熟農父事腰鎌願遂汙邪滿利遺稂穗兼便
霜信何礙卒歲為欣占薄賦還逢稔閭閻氣自恬

山田

山田率已熟向北看更好園場積如墉樓畝收未了閭
閻氣象恬可因識溫飽俯仰足資生盜賊自然少所以
祈年要首務為政道回思半年旱千里赤如掃寧敢作
此想展轉增憂惱

昊天不遺民思雨蘇枯槁内外同一日

得雨俱六月十二日
即科爾沁喀爾

沁等處詢
之皆然
普霑佑懷保信哉

德好生詎曰能精禱呼吸實通靈對越益凜貌

山田
甲申

山田將及熟偏喜午暄催已有腰鎌出行看踏碓開若
賜成大穗時雨免汙萊薄賦還逢稔吾民庶慰哉

山田
丙戌

數日園中居山田得遠望榮馬出石城近欲悉其狀田父老
之言六月頗旱亢雨隨翠華來高低被酣暢早種秀增實晚

植苗茂壯所見如所述蔚綠金風颺更兼邇來熟暄曝實
大當此後暘雨若屢豐又可償然惟增惕乾吾心安敢放

塞田

塞田隔山即殊觀得雨便豐雨短歉西來歷歷閱農功
築塲已逮多稼歛未畢穫者蔚黃雲喜色溪村與巖广
間知夏雨較東優所以豐歉不相掩頗有輦糧待賈糶
及至糧集賈亦減安得萬方普屢豐望則不無必何敢

野田 壬辰

野田高下總芄青樂國今朝昔塞庭灘外即看墾林隴
舍旁還復藝蔬町幸茲晴雨逢時若庶糞倉箱賚我寧
何處不因民繫念民天惟食寸心銘

閱稼

清曉策輕騎山田出閱稼深居豈弗佳宴安夙所咤都
來無半月吐穗堪欣訝蔚雲間綠黃吹風齊穰稔千頃
連山川一律茂高下不惟塞外然京畿米減價時賜定
暄晝時雨每零夜由近以及遠各省報非詐率稱可望

豐常平不須借何修遇是哉額手

天恩謝築塲期尚遙戒滿心猶怕

觀稼效陶潛體

癸巳

暑雨山蹊濘半月未命駕快晴四五天泥乾潦亦瀉乘
閒策玉驄原田試觀稼禾黍胥怒生吐穗高低亞日暄
與露潤秀實西成迓乃知向所憂先事失蘊藉然總未
虛擲看此興興乍秋熟期尚遙怒哉吾猶怕

觀稼

夏秋暘雨幸調勻觀稼欣觀鉅艾新憂切不孤勤一已

稔連差足慰羣民

昨歲各省秋收自八九分以至十分可稱大有今歲閩省已報早稻收八

分有餘山東亦報約計收成九分有餘滇省則早者收足九分晚禾亦極豐蔚其北省之直隸豫晉陝甘南省之江浙江西湖北及邊省之黔粵均經各督撫奏報雨水調勻禾穀暢茂豐稔可期茲閱山田秋稼亦全熟待獲屢綏之象實可為寰宇羣黎慶矣

祈年益勵常年志經事多成畏事人策馬山田熟滿目有收更喜報來頻

山田

山田收穫畢隴畝尚棲餘盡道去年勝誠觀遍野如婦
男溫飽樂象里隣舒綏屢逢望外慰哉更懍予

閱稼

甲午

十日未出行禾黍如助長握苗鄙宋人

天恩真浩蕩高下綠芄雲改觀頓殊曩帶露潤穰穰承
曦明晃晃時復霏嘉霽既雨旋晴朗似此月餘間西成
堪冀穰雖然豈敢必敬以平心想

觀稼

無逸素所塵深居心每忤傳宣出觀稼聊因散馬蹄豈
知數日間良苗秀已齊簇簇梁穗高翼翼禾稌低颺以
風散之潤以露渥兮秋陽復臨曝實粟率可期然而西
成遙益為去聲懼斯時

出山莊觀農務即事得句

丙申

我至山莊將半月邇逮旬朝未命輿雖然咨政日宣召
籌筆既罷多暇餘高居豈曰所無逸塵心農務應閱諸
夏雨既渥非靈潦赫曦暄之助長如纍纍已有結穗者

十日以前觀頓殊更殷此後祝時若西成庶足慰田夫
出麗正門策馬閱隄閱稼

萬里無片雲山風拂朝爽數日祇高居翻以閒為快策
馬一出遊詎暢遊觀賞閱隄兼閱稼有事寧虛往禾黍

胥吐穗時賜資勅長霽雨既非霑漲弗致沆漭隄實高

出河徹橋惜費枉

河上架橋以備過河禮廟遇大雨漲集易於衝圯物料每致漂失有司不

免賠墊因於薄仁寺拈香後即命徹去以省繁費俟秋時漁退啟蹕行園時再行搭構以度車馬永著為令

細事亦塵心要務敢忽想

過河觀稼

潦水寒潭欲退時卧波武列已橋搗綠雲有幸黃雲染
夏令不期秋今移較雨量晴願差副葉場納廩候猶遲
鳴鞭攬處生欣慰幾許憂勤易得斯

出麗正門乘馬觀稼觀隄并成是什

已亥

十餘日深居未曾一命駕雖日有召見究覺多閒暇適
來縱炎熱曉每涼風下因之一策騎觀隄更觀稼稼既
茂有成隄亦堅無罅習勞動之端重穡德之化

皇祖家法昭詎此徒消夏

過河觀稼

立秋後喜十朝晴潦退徒杠亦駕成

固都爾呼河上長橋每值暑雨盛漲

軌易衝損因於未交伏前即命撤去俟秋晴潦退始令支架為梁以省物力今日橋已成矣

便與過

河一觀稼果然滿野副期情黍高穀矮都將熟菜圃蒼
町正向榮此景豈云容易致幾多厯慮度三庚

閱稼

庚子

較晴量雨到秋中閱稼今朝畧慰衷已是黍高穗翼翼

更看梁下葉芄芃

梁耐潦其莖長故曰高梁北方多種之窪地

畿南曾繾間

去逢潦

袁守侗奏永定河漫水經過良鄉等州縣窪地間有被水俟勘明被潦久暫酌籌蠲賑各事宜

另行奏報

塞北難誇此報豐身自九重心萬寓愁多鮮得放

眉叢

出麗正門乘馬沿隄閱稼之作

壬寅

山莊駐踰月屢出率肩輿是或隣乎逸寧不心負初今
朝欲閱稼風日良清舒吉驄試躬御沿隄按轡徐瀑漲
倏流過萬家安閭閻既觀河左右多稼助長如翼翼已

結穗庶可期滿車先是為望霖勤祈原未虛登秋期遠
哉殷念敢懈諸

按熱河土地豐腴溝塍繡錯自我

聖祖仁皇帝課民樹藝式闢山田首垂

天濤

皇上厯念閭閻補耕助斂

屬車所過時切疇咨故能黍稷彌望旱澇無虞恭讀
御製諸詩審雨晴之候辨物土之宜天時地利勸課具

詳敬彙載物產穀屬門以昭重農貴粟之

家法至於境內各蒙古皆漸知稼穡刀耕火種斥鹵日開
昔時龍沙雁磧之區今則菜場納稼烟火相望
太平景物亘古未有也

蔬之屬

菰 其佳者名為黃芽白苗葉皆嫩黃極為脆美
元許有壬上京十詠有白菜詩曰土膏新且嫩筐
筥薦紛披可作青青飯仍攜玉版師是也其細莖

者曰箭桿白宜鹽漬為菹又一種產平泉州境內者別名回回白菜

蕨 叢生山谷間最為繁茂土人多採之曝乾為束鬻於關內今灤平縣境內有蕨菜溝以多蕨得名又一種似蕨而葉細者俗名野鷄膀子

蔓菁 爾雅疏曰幽州人謂之介羣芳譜曰塞北種者名九英蔓菁亦曰九英菘今土人皆無此名也廣羣芳譜曰蒙古呼其根為沙吉木爾

山蔥 似蔥而小細莖大葉爾雅謂之茗蔬云蔥
生山中者名茗管子內言九曰北伐山戎出冬蔥
與戎菽布之天下注云山戎有冬蔥戎菽今伐之
故其物布天下元周伯琦上都扈從詩注曰什巴
爾台舊作什巴爾
先今改正北遍生蔥韭明金幼孜北征錄
曰戎地多沙蔥野韭所謂冬蔥與沙蔥蓋即山蔥
之類

山韭 似韭而小爾雅謂之藿蔬云韭生山中者

名霍本草曰山韭形性與家韭相類但根白葉如
燈心苗山中往往有之又曰孝文韭生塞北山谷
狀如韭人多食之云是魏孝文帝所種許有壬上
京十詠有韭花詩曰西風吹野韭花發滿沙陀氣
較葷蔬媚功於肉食多濃香跨薑桂餘味及瓜茄
我欲收其實歸山種澗河金幼孜北征錄亦謂之
野韭即山韭也今灤平縣境內有韭菜溝以多山
韭得名

山蒜 似蒜而小爾雅謂之藁蔬云蒜生山中者
名藁本草曰山蒜澤蒜石蒜同一物但分生於山
澤石間不同今塞外山中多有之蒙古謂野韭苗
為哈里雅爾圍場中地有稱哈里雅爾者以山蒜
得名

蘿蔔 亦作蘆菔有白紫紅三種許有壬上京十
詠有蘆菔詩曰性質宜沙地栽培屬夏畦熟登甘
似芋生薦脆如梨又一種名胡蘿蔔羣芳譜曰元

時始自邊塞中來又有山蘿蔔大如指有節黃白色可食即金幼孜北征錄所謂沙蘿蔔也

蘑菇 亦作磨菰菌之屬形如猴頭者良中土絕重之呼曰口磨又曰營盤磨菰以屯營之地糞壤肥沃所產尤鮮美許有壬上京十詠謂之沙菌其詩曰牛羊膏潤足物產借英華帳脚駢遮地釘頭怒戴沙注云此物喜生車帳卓歇之地夏秋則環遶其迹而出周伯琦上京雜詩曰菌出沙中美元

楊允孚灤京雜詠詩曰更說高麗生菜美總輸山
後蘑菇香皆以為珍品

木耳 土人稱為黑菜生榆上者謂之榆肉尤珍
美明李日華六研齋筆記曰古北口有榆肉者菌
蕈之類如蘑菇而稍大煮熟其大又倍鼎切之味
如肉

地螺 菜名形如小螺鹽漬可食

按熱河物產與內地相同者多蔬屬內如葱韭

芥菹之類非特著之產不復專列以下蔬果屬
如茄瓠之類禽獸屬如鷄豚之類俱倣此

蔬之屬

西瓜 五代胡峤陷北記曰契丹破回紇得此種
以牛糞覆棚而種大如冬瓜味甘宋范成大詩集
自注曰西瓜味淡多液本燕北種宋洪皓松漠記
聞曰西瓜形如扁蒲而圓色極青翠經冬則變黃
其瓠類甜瓜味甘脆中有汁尤甘冷予攜以歸今

禁圃鄉園皆有元一統志曰大寧路富庶縣土產
西瓜據此則西瓜之始實由塞北今關內所產皆
塞外種也

甜瓜 形類甚繁土人以大而黃斑者為甜瓜小
而青斑者別名香瓜味尤勝

菜瓜 羣芳譜曰生時色青質脆可作醃菹又一
種名梢瓜似甜瓜而長倍之可生食亦可為菹
南瓜 一名倭瓜亦作番瓜羣芳譜曰結實形橫

圓豎扁而色黃者為南瓜形似葫蘆而色黑綠者
為番瓜其實一圃之中種形互出農家亦未嘗強
為區別也今土人緊稱之為倭瓜其一種色紅者
亦曰南瓜止採以供玩不可食南方人謂之北瓜
冬瓜 較關內所產尤巨一騎僅勝數枚

御製詩

寒瓜

辛未

野店寒瓜可當蔬村民生計覽吟餘芻棚茅舍紛懸處

細雨涼風欲熟初
體會遙思栗然在
荒唐漫說棗還如
烹蒸雅合山家供
肉食休誇丙穴魚

按凡熱河物產仰邀

宸翰留題者謹隨物類分載其非專詠如穀屬之山田
觀稼藏屬之寒瓜諸什於物產下敬相比附錄
載餘倣此

欽定熱河志卷九十二